36

macht.

mußte Hohen-

nmt, ei

Messe-

en und

on den-

Messe-

lcr, de

Congret

twa fein

zte, und

ern ver-

oBn, bis

mit drei

ste, kom

iede wie

um ihre

us wie ei

es lief uff-

olles recht

einbrechn

ede grode

rn a poor

dene Aus

ffgemacht

Herrn und

t erwisch

3escheiden

Schtand,

atisch un

r "Gesold

ere Organ

Otepe*.

hrglos W

Jacob'n a

der em

noft schne

Kundn,

latt drutt

Deutschlar

, und we

verlangn,

er Regien

o heebts s

itückl gan

ist, dos wo

f 300 m A

efühl, als i

koofen.

en die Schil

und könn'n

is, weed

lbn Preisn

gob, an g

1a 10 Sch

, und ich

ierliche Er

n Vestibüle

ner uffa Re

Zentralverba

Es wurde Bulljon und Pastetn gereicht, ene Schpende der Ausschtellungsleitung, die wer dankend akzeptiert hoahn. Der Kollege Uhlig aus Halle lief mitm verbundnen Kuppe und uff zwee Krückn rimm, er wullte vo Halle noch Köln fliegen, und weil er a mol ei der Gegend vo Kassel austrata mußte und da Flugzeugführer nich landn wullte wegn su ener Bagatelle, is a obgeschprungn und hotte sich a biß'l lediert. Sunst wor a aber guder Schtimmung, und noch da zweetn Pastete kunt a schun de Krückn ei de Ecke schteln. Wie ene kleene Kerche soah's ei dem Raume aus, wu de Eröffnung vur sich gehn sullte. A wink Aida-Schtimmung, 2. Akt, 3. Szene, ene Orgel, a Podium und ene kleene Galerie, uff der en blumenschwenkender Damenflor Plotz genumm hotte.

En Paukenschlag, und wie aus der Versenkung tauchn de Fohn und Schtandartn der versommelten UhrmacherInnungen von Deutschland uff, um sich uffm Podium zu gruppiern. De Schpitzn der Regierung, der Provinz, der Schtodt, der Handels- und Handwerkskommer, die promminenten Vertreter der Kölnischen Großindustrie, chemische Fabrik Leeverkuusen, Schtollwerk A.-G., Miau de Cologne gegenüber, Exelsiorhotelrenovierungsaktiengesellschaft G. m. b. H., der Herr Dombaumeester, und der Herr Vertreter des Erzbischofs von Köln, ferner der jitziche Kommandeur der Deutzer Kürassiere und viele andere mehr nohmen uff erhöhter Tribüne Plotz.

Dann beschtieg unser Walter Quentin, erschter Vorsitzender des Zentralverbandes, in em tadellos sitzenden Frack - ei dem er mir immer a so gutt gefällt -, is Rednerpult, um eine Begrüßungsonsproche mit alter Meesterschoft hinzulegen, die in en "Salve, sic gloria transit mundi" ausklang und monche Träne uff ergrauter Uhrmacherwange hinterließ. Dann kom der Regierungsvertreter dronn, derde die Mitteilung machte, doß es sich die Regierung jederzeit ongelegen sein ließe, von a Uhrmachern on Schteuern rauszuholen, wos rauszuholen ist, und von den Segnungen schproch, die dem Uhrmacher durch die von der Regierung befohlene Einführung der 24-Stundenzeit drohen. Die andern Herrn schprochn den üblichn Solm, bloßich, der Kommandeur von a Deutzer Kürassiern, fiel ausm Rahm. Er soahte, doß es seine heiligste Pflicht wäre, den Hausierhandel von seiner Kaserne fernzuhaltn, und doß er von morgn ob en Appell bei sein Kürassiern einführn wullte mit onschtändigen Toschenuhren, keene unger 20 Mk.

Rings um a Ehrenhof gobn die vereinigten Tischler und Zimmerleute, diede grode om Arbeeten worn, e harmonisches Klopfkonzert, doß gor nicht überhört werdn kunnte und viel zur Beschleunigung des Eröffnungsaktes beigetrogn hott. Dann gings, a Regierungsvertreter on der Schpitze, durch de Ausschtellung, und als se fertig worn, grodewegs ei a Verhandlungsool, wo um Punkt 12 Uhr die Verhandlungn eröffnet wurdn. Ich hobs als a gutes Omen ongesahn, doßde grode um die Zeit de Sunne richtig durchbroch und a Versommlungssool in en Meer von Licht, richtigen Sunnenlicht tauchte.

Ueber de Verhandlungn zu schreibn, hieße Euln noch Athen trogn, noch meiner Menung dürfte dovon überhaupt kee Schterbenswörtchen ei de Zeitungn kumm'n, domit se is nächste mol ollg selber do sind. Ens möcht ich blußich erwähn'n: de feierliche Ueberreichung der neuen Präsidentnglocke, diede werklich a Prunkschtücke is und mit sichtborer Wallung vom erschten Vorsitzendn in Empfang genumm'n wurde. Leider kunnte unser gutter Quentin Walter nich damitte klingeln, a hot dann in a Pausen im Nebensoole immer a biß'l geübt, und so gings dann schpäter schun besser. Dann is mer uffgefolln, doß se uffm Vurschtandstische en Babywecker schtiehn hottn. Kinder, wir sein

Uhrmacher, und wenn wer zu so offiziellen Onläßn on de gruße Oeffentlichkeet tretn, dann schtellt wenigstens ene onschtändige Hausuhr uff a Tisch, sunst sein wer blamiert. Um zweee wurde pünktlich Schluß gemacht, und itze wor der Moment gekummn, um bei herrlichem Sunnenschein a erschten grußn Bummel durch Köln zu machn.

Ich ging allene los. Erschtens braucht ich mich do nich noch andern Köppn richtn, und zweetns hob ich bei sulchn Besichtichungen a Tempo om Leibe, dem nich glei ener gewachsn is. Museum und su wos ähnlichs kom für mich gor nich in Froge, denn erschtens hob ich schun zu viele von der Sorte gesehn, un zweetens wers ene Offenschande gewesn, bei dem schien Wetter eis Museum zu gehn. Ich hotte vom Vergnügungsausschuß ene Dauerkorte für olle Fohrzeuge ei Schtädtischer Regie für die Dauer der Tagung fer 2 Mk. erschtanden, enen lächerlichen Preise, wenn man bedenkt, wie ich se ausgenutzt hob. Ich wor grode noch om Ueberlegn, uff wos fer en Fohrzeug ich rumgondeln wullte, als a Autoschprengwogn im de Ecke fuhr. Den rief ich on, und unter Vorzeigung meiner Dauerkorte, die de Benutzung oller städtischen Fohrzeuge geschtattete, und unter Verabreichung ener Zigarre und dem leisn Protest des Kutschers gings los. Huch uffm Bucke, soß ich wie a Leibjäger und holf so unbeobischtigt, de Kölner Schtroßn mit "Eau de Cologne", kölnischem Wosser, sprengn.

Mit dem Kölnischen Wosser hotts su ene Bewandnis. Aus olln Schaufenstern und wu ma sonst hinschpuckte, soh ma de Köllschn Wosserfloschen 4711 und "Gegenüber" leuchten, aus ollen Brunnen und ollen Wosserhähn, wos lief raus, köllsches Wasser. Nochdem ich ma su a poor Schtroßn aus der Vogelschau ongeguckt hotte, fuhr ich naus ei a Zoo. Wos sull ma vum Zoo weiter soahn. De Offn und de Rindviecher sein dieselbn wie wu andersch, und ei a Raubtierhäusern riechts grode a su wie wo andersch. Dos enziche, wos ma uffgefolln is, worn die Hunderte von Butterbrotpopiern, diede uff a Wegn logn, übrigens o wie wo andersch. Dann wor ich glei danebn ei der Flora, na ja, es is ja olles ganz schön, aber für su en Globetrotter wie ich bin, is nich bale a Kraut gewachsn. Dann bin ich wieder nei ei de Schtodt. Ich wullte amol a biß'l Original Köllsches Lebn kenn lern, und richtig führte mich o da Zufoll uff a Klingelpütz, ei a Lokal "Zum Köllschn Buer". Durt hob ich Hännchn mit Sauerkraut und Roggelche gegessn und drei Schoppn untergähriges, sogenanntes Original Köllscher Hofbräu getrunkn. Die Kölner kenn froh sein, doß is "Eau de Cologne" nich o a su is wie dos Bier. Obends wor ich dann mit a schleschn Nudeln im Keiserhof und hob a wing "Mondänismus" on mir vorbeiziehn lussn. Meschugge is halt ei Köln in sulchn Lokaln o Trumpf. Die übliche, gute, preiswerte Pulle edlen deutschen Rheinweins beschloß och diesn Morgen.



Ob Taschenuhr ... Ob Armbanduhr ... Von Filius nur!

